

¡BOMBA!

En entrega, las primeras, al igual que en pundonor; es un equipo de honor, ¡son de bronce las arqueras!



K'uintsil

Lunes 29 de julio de 2024

CAMPECHE · YUCATÁN · QUINTANA ROO · AÑO 10 · NÚMERO 2286 · www.lajornadamaya.mx

OCDE: ku k'áatik ti' mola'ayo'ob meyajtik turiismoe' ka yanak u nojba'alkúuns u meyaj wiinik

Ya'abach meyaj, jump'iit náajal yéetel seenkech súutukil ti'al u k'uchul wiinik tu meyajé' chéen jayp'éel ti' le ba'axo'ob ku máansik ya'abach ti' máaxo'ob ku meyaj'ob ich sektor turismoo, máaxo'ob kéen jo'op'ok u meyaj'obe' k'a'abéet xan u jach na'atiko'ob wa u ts'aatáantiko'ob bix yanik u yool máaxo'ob ku jóok'olo'ob xiimximbal ti'al u je'elsikubáaj'ob ku taalo'ob ti' uláak' táaxnel kaaj'ob, tu ya'alo'ob especialistas máaxo'ob k'áatchibta'ob tumen *La Jornada*.

Ya'abach ti' u ajmeyajilo'ob nukuch otelo'ob yaan ichil tulaakal u noj lu'umil Méxicoe', ya'abile' le yano'ob ti' kaaj'ob yano'ob jaal ja'e' ku k'amiko'ob éempresaryos wa le k'ajóolta'an beey turismo de negoosyóose', ku yantal u kaniko'ob kuxtal yéetel propiináas, tumen u bo'olil u meyaj'obe' ku k'a'abéetchajal ti'al u bo'otiko'ob u k'uchulo'ob tu meyaj'ob wa ti'al u jaantiko'ob wa ba'ax, tu ya'alo'ob.

Wa tumen jach uts binikti'obe', máaxo'ob ku

meyajo'ob ti' turismoe' je'el u béeytla u meyaj f'áalka'abe' kex ukp'éel winalo'ob ichil jump'éel ja'ab, ba'ale' u ya'abil máaxo'ob yano'ob tu noj lu'umil Méxicoe', chéen ku chukik jo'op'éel winalo'ob.

Le ba'al je'ela' ma' chéen tu noj lu'umil México ku yúuchuli' tumen u mola'ayil Organización para la Cooperación y Desarrollo Económicos (OCDE) ts'o'ok u juul ichtik ichil tulaakal jóok'ol kaab, le beetike' ts'o'ok u k'a'aytik jayp'éel nu'uktajo'ob ti' le nukuch mola'ayo'obo' ti'al u chan ts'aatáantiko'ob u meyaj wiinik.

Ignacio Martínez, máax jo'olbesik u meyaj Laboratorio de Análisis en Comercio, Economía y Negocios (Lacen) ti' u noj najil xook UNAM, ku ya'alik "ichil jump'éel ja'abe' 12 u p'éel winalo'ob yaan, ba'ale' ya'abach juntéenake', je'ex tu xamanil Méxicoe', nukuch otelo'obe' chéen ku k'amiko'ob u ya'abil ajxiinximbal máak ti' jo'op'éel winalo'ob, le beetike' chéen súutmansúutuk u yantal meyaj".



Julio Gutiérrez / P 25
Oochel Juan Manuel Valdivia